



Broj: 04-40-1-150/23
Sarajevo, 31.05.2023. godine

Na osnovu dobivenih i obrađenih informacija od: općinskih operativnih centara civilne zaštite, Federalnog hidrometeorološkog zavoda, JU Zavoda za hitnu medicinsku pomoć Kantona Sarajevo, JU Zavod za javno zdravstvo Kantona Sarajevo, MUP-a Kantona Sarajevo, BIHAMK-a i drugih struktura zaštite i spašavanja formiranih na području Kantona Sarajevo, dojava građana, a u skladu sa članom 152. Zakona o zaštiti i spašavanju ljudi i materijalnih dobara od prirodnih i drugih nesreća („Službene novine Federacije BiH“, br. 39/03, 22/06 i 43/10) i čl. 14., 17. i 19. Pravilnika o organiziranju i funkcioniranju operativnih centara civilne zaštite („Službene novine Federacije BiH“, broj 9/19) dostavljamo Vam:

REDOVNI IZVJEŠTAJ
za period od 08:30 sati 30.05.2023. do 08:30 sati 31.05.2023. godine

Općinski operativni centar civilne zaštite Centar: Dana, 30.05.2023.godine, uslijed obilnih kišnih padavina u kasnim poslijepodnevним satima došlo je do pojave bujičnih poplava na području mjesne zajednice Nahorevo. Došlo je do izlivanja iz korita Koševskog potoka koji je poplavio više stambenih i pomoćnih objekata, te oštećenja putnih komunikacija, začepjenja odvoda i šahtova. Općinska služba civilne zaštite je odmah angažovale svoje organizovane strukture zaštite i spašavanja sa neophodnim građevinskim mašinama na otklanjanju i saniranju posljedica od bujičnih poplava.

Odmah po nastanku bujičnih poplava, Općinska služba civilne zaštite Centar se obratila Kantonalnoj upravi civilne zaštite Kantona Sarajevo sa zahtjevom da joj se dodjeli određeni broj vreća za pijesak. Kantonalna uprava civilne zaštite Kantona Sarajevo iz svojih rezervi odmah dodijelila 200 vreća za pijesak Općinskoj službi civilne zaštite Centar, te je obavijestila da su određene strukture zaštite i spašavanja Kantona Sarajevo stavljene u pripravnost, te da su iste spremne na njihovo traženje da se sa ljudstvom i mehanizacijom angažuju na području pogođenom bujičnim poplavama.

U toku današnjeg dana općinske strukture zaštite i spašavanja će nastaviti sa aktivnostima na otklanjanju posljedica od bujičnih poplava.

Općinski operativni centar civilne zaštite Hadžići: U toku jučerašnjeg dana sve općinske organizovane strukture zaštite i spašavanja, kao i određene strukture zaštite i spašavanja Kantona Sarajevo su bile angažovane sa ljudstvom i neophodnom mehanizacijom na otklanjanju i saniranju posljedica od bujičnih poplava na području mjesnih zajednica Grivići, Drozgotetva, Vranići i Hadžići. Također, su započete aktivnosti na procjeni šteta koje su prouzrokovale bujične poplava na pogođenom području.

U toku današnjeg dana općinske strukture zaštite i spašavanje će nastaviti sa aktivnostima na saniranju posljedica od poplava na pogođenom području.

U izvještajnom periodu Kantonalni operativni centar civilne zaštite primio je jednu informaciju o pronalasku NUS-a i to dana, 30.05.2023. godine u 20:30 sati, od Policijske stanice Novi Grad, Općina Novi Grad, da se u prostorijama KDZ MUP-a. Kantona Sarajevo, nalazi pet ručnih bombi.

O primljenoj informaciji obaviješteni su pripadnici Tima za UES Federalne uprave civilne zaštite, koji će navedena neeksplozivna ubojna sredstva preuzeti u narednom periodu.

Kantonalna uprava civilne zaštite Kantona Sarajevo: Pripadnici Profesionalne vatrogasne jedinice Kantonalne uprave civilne zaštite Kantona Sarajevo u izvještajnom periodu nisu imali intervencija.

Iz općinskih operativnih centara civilne zaštite s područja Kantona Sarajevo, kao i od drugih davalaca informacija nisu dobivene relevantne informacije koje se odnose na prirodne nesreće ili druge pojave koje ugrožavaju živote i zdravlje ljude, kao i materijalna i kulturna dobra.

Elektro distribucija Sarajevo: Snabdijevanje potrošača električnom energijom na području Kantona Sarajevo je uredno, osim pojedinih područja koja su bila planski isključena zbog izvođenja neophodnih radova na održavanju energetske postrojenja.

KJKP Sarajevogas: Svi potrošači u Kantonu Sarajevo su uredno snabdjeveni prirodnim gasom.

KJKP Vodovod i kanalizacija: Vodosnabdijevanje u Kantonu Sarajevo je uredno, osim u dijelovima pojedinih naselja gdje se vrše planske popravke kvarova na vodovodnoj mreži.

Federalni hidrometeorološki zavod: Jutros u 08:00 sati temperatura u Sarajevu na mjernoj stanici Bjelave je iznosila 14°C, vlažnost zraka 99%, barometarski pritisak 943,5 hPa.

BIHAMK: Saobraćaj se na području Kantonu Sarajevo odvija uredno, osim na dionicama gdje se izvode planirani radovi na kojima se saobraćaj odvija po posebnom režimu.

Prema informacijama prikupljenih od dežurnih dispečera i informativnih službi **KJKP GRAS, Centrotans – Eurolines d.d. i JP Željeznice Federacije BiH**, gradski, međugradski i željeznički saobraćaj se odvijaju po redu vožnje.

PO OVLAŠTENJU DIREKTORA
ŠEF CENTRA
Fahrudin Pribišić

Dostavljeno:

- Predsjedavajućem Skupštine Kantona Sarajevo
- Premijeru Kantona Sarajevo
- Direktor KUCZ Kantona Sarajevo
- Komandantu Štaba CZ Kantona Sarajevo
- Federalnom operativnom centru civilne zaštite
- a/a